

西乡县志

一
函
六册

西鄉縣志第六冊

薛祥綏 博盒編

文章志第二十 下

紀事 下

漢中府西鄉縣重修廟學記

澤卧病家居偶太學生西鄉朱生騰霄持知縣事陳侯榮教諭陳君琦輩所為狀來請為重建廟學記曰敝邑文廟儒學叔建於國初洪武辛亥年四成化間亦嘗重修迨今四十餘年矣正德辛未年六陝西按察司副使蕭山來公天球嚴志列關南分巡道來球浙江係一人惟名晚天字舊志載正德高密李公昆詳秩官布政司參議隆平蘇公乾據嚴志曾任咸以公務蒞此謁廟詣學課諸生業顧瞻頽弊為甚不足以奉奠饗而資講習乃言之巡撫吾陝都察

院右副都御史東萊藍公

案即藍瑋

慨然欲重修之適兵荒事棘不欲

重困於民乃詢訪尚義之士得令朱生騰霄乃伯義官本善暨乃

考太學生政召而諭之遂捐白金百兩為之倡騰霄尤克承先志

舊文廟在明倫堂前隘其言之前知縣郭侯幾拓地改築廟基於

學之東繼得巡按監察御史西蜀王公汝舟滇南李公素按部至

此咸發贖金以助其費檄通判周侯盛

河南偃師人

董其役俄以署府

事去今撫治關南按察副使四明呂公和

浙江人

至惜

其工未就緒乃檄同知府事南榮何侯子奇相度料理授以次第

仍多發公帑合先後所儲而責之以成侯奉命惟謹鳩材僱工殫

竭心力日督月程罔敢怠忽以東新基為楹星戟門各四楹大成

殿六楹高六尋東西廡凡三十四楹咸覆以琉璃設龕帘咸備以

嚴而廟制成矣西舊基為明倫堂又東西各四楹號舍神厨各有

差為里門各四楹而學制成矣廟學外為楔工東扁曰崇道西曰
育才經始於戊寅冬十月以己卯春三月上吉何侯率師生耆士
釋奠於廟而落之榮輦承之茲土未能奉揚朝廷責以父母師帥
之休命顧感諸元老鉅公舉此盛典一方風俗人材之幸也敢請
記其事庸告夫後之人澤以病且下文辭朱生懇之益力既諾之
中夜起坐偶思魯哀公問弟子孰為好學孔子對曰有顏回者好
學不遷怒不貳過不幸短命死矣令也則亡未聞好學者也夫杏
壇教興高弟雲集曾子冉閔尤為傑然而夫子乃云然者蓋怒而
不遷過而不貳夫子所謂懲忿窒慾遷善改過之訓已無所容其
力矣非擇精守約省察克治功深力到而幾於大而化之地能然
耶是其德性剛明學問純粹造聖之功有乾旋坤轉雷動風行者
固諸大賢所未至所謂去聖未遠一問也夫子於其生也亟稱之

死也痛惜之魯子嘗推尊之子貢不敢望子思孟子嘗述其言以
為訓有宋大儒周程張朱四君子咸表章以垂世焉其有以哉計
三十有二之年血肉之軀雖與人同而天理渾然之少間物欲旦
夕之不留所謂曰性曰道原於天而備於我者全體呈露妙用顯
行殆與堯舜文王周公孔子相後先也其為配享先師之首萬世
尊仰而無異辭也宜矣澤也少游庠序讀其書瞻其遺像傾慕之
也久矣因循荏苒白首無聞不勝年倍志荒枉過一生之恨幾無
以俯仰於開卷對越之際敢以不腆之辭形穢于廟廟之末耶然
我國家建學育才之令典撫按藩臬諸公重道作人之盛心郡邑
長佐承流宣化之善政朱氏昆弟父子好禮報本之義舉皆不可
不記以示後抑以告夫為師為弟子者念澤自疚之深猛省力行
於博文約禮之誨篤信吾夫子所謂好學者有不在於言語文字

間且不輕於許人矧歲月如流盛年難再資稟固有或殊而希顏
則是之心不可一日不勉毋徒口誦其言反身無得甘為終身後
事無益之悔如澤之無似也審如是當有雖無文王猶興之豪傑
者出由學知而造生知之亞由勉行而至王佐之才以續道統之
傳於後世其於正學世道庶幾有補於萬一也既以告之朱生遂
書此為記且以請教於憲副呂公諸斯文契義程子有曰學者當
學顏子八聖人為近有力處又曰學者要學得不錯湏是學顏子
有准的再書此為有志於聖學者誦是役也典史何存廣効力為
多不可以其官卑遺也敢併及之如縣李暎訓導張鳳儀賜進士
出身光祿大夫太子太保都察院左都御史關中彭澤課文賜進
士第承事郎漢中府權守盱眙范紳書丹大明正德十有四年歲
舍己卯冬十二月之吉立董工吏胡羽鐫字匠樊齊良

西鄉縣重修儒學記

天啓皇明聖神繼統大興聿修無間遐僻莫不建學立師以教育英才其制甚備士生斯時得以漸磨詩書仁義之澤而周旋揖讓於絃歌俎豆之間何其幸歟西鄉漢中支邑距陝西會府幾二千里僻處萬山宋慶曆中已嘗立學在縣治之東迨元延祐改元縣尹宋彥中因舊營建元來毀於兵燹而所以教所以學則槩乎無聞馬國初洪武四年訓導姜禮開創以居學徒以嚴祀事時干戈甫定制度粗立二十六年知縣張弘漸為增修然覆篑茅茨僅蔽風雨而已正統十四年知縣丘俊始易以瓦天順乙酉知縣郭瑄知縣事撤舊拓新稍具觀美不數載風雨震凌寢以頽敝成化二年夏子奉勅綱紀學政所至振厲怠荒興起士習適滿城李春來令茲邑民用寧一年穀屨登恪奉明制興教諭咸頤輩因惟繕治

乃預計工用所需材木陶甃肇事於十一年秋九月首創禮殿規
制雖仍舊址而高明弘壯過之上施琉璃獸脊四垂翠瓦丹雘金
碧照灼雲日東西廡櫺星戟門厨庫增舊凡若干楹殿後為明倫
堂翼以兩齋及饌堂射圃官廨文房庖廩莫不咸舉工方就緒朝
命褒崇宣聖儀文異數一視天王而廟中南面之像冕旒章服與
侑食之容輝煥有加廟學之制至是益備遠近觀者心開容肅咸
謂世際文明稱茲頤賢之地矣邑人致政太僕少卿張君志偕師
生父老具興修成蹟詣行臺請記以壽貞珉嗟夫學校王政之本
風俗教化所關自古聖帝明主之治莫先乎此考諸經史可見矣
然未若我聖朝崇重斯道教化旁達賢才輩出聲明文物郁郁乎
極隆而極盛也縣邑之官有民有土如春者可謂克盡厥心而知
政理之重者矣昔魯僖公修泮宮詩人頌之豈不以其得禮得宜

頌而褒之以示勸乎今廟學之新得禮得宜孰大焉是可興也然則邑人子弟遭逢盛際得以優游涵養於茲尚當勉思刻志問學乘時彙興効用當世以顯其功業而流芳譽於無窮則雖山川遐僻不以因人增重歟用書以告來者相其成者典史柴嵩陳正剛勅督學校中議大夫贊治尹陝西等處提刑按察司副使臨川伍福謨文中順大夫遼東太僕寺少卿邑人張志書丹并篆額成化十四年戊戌春三月朔日立

據王志校錄

創建啓聖宮碑記

崇聖之祠由來尚矣粵稽舊制或踞大殿左獨尊或列大殿後屋上別尊卑辨等列何秩秩也西邑前經兵燹典禮多紊啓聖祠向居大殿之前體制既乖而湫隘卑濕規模亦復敝陋使無以更新修治之我夫子慮有蹴然弗安者爰集紳士公同捐貲於殿後數

武外經營敝造自李秋鳩工甫兩閱月已四楹告成棟煥一新
視前之顛倒狹陋相去固不啻霄壤而我夫子在天之靈其敬所
尊之意亦庶幾少慰矣乎茲值工竣勒石以志御前侍衛士成榜
眼漁渡路遊擊李世松漁渡守備武舉楊裕原任西鄉縣調繁褒
城縣知縣包瑋西汛駐防把總程永福賜進士出身文林郎知西
鄉縣事劉炳鹽場關巡檢司徐元瑚大邑關巡檢司屠振基儒學
教諭吏部候選知縣淡如水儒學訓導張聖謨典史汪明想王慧
督工生員柴貞頤王之輔同天賜王帝韓王師文任企尹常騰鳳
劉鋒馬躍蟾史班閣縣紳冷同捐貲建乾隆十二年歲次丁卯仲
冬月吉旦立

居稽堂記

講學自宜有地西邑明倫堂後有房一所故邑侯王公所建崇聖

祠也制既未協規模亦隘且歷來學博先生俱棲處其中家人父子褻神殊甚余自癸亥司鑾豐寧釐蕪弗安者久之適以數上公車未遑經理歲之丁卯乃克倡率多士共出貲物於大成殿後創修崇聖祠三大楹遷移各神於後改此房為居稽堂以為師主講習之地且於此堂之北捐修內室三間凡余經營創造頗費心力惟冀後來先生君子體余苦心時有敬壞即如修葺庶不至風雨漂搖復歸負圯耳是為記壬戌科明通西鄉教諭令陞鞏昌府教授淡如水撰文並立石董事生員周天賜田長發王帝翰孫登鰲史班李永發侯心錦常恂廩延年馬倬鐫字生員孫斯俊胡再質大清乾隆十九年歲次甲戌季夏月穀旦

創建魁星樓碑記

明神宗萬曆三十九年

工部員外郎

李喬岱

宗補

漢中東南越二百里而遙則屬巴西鄉北屏秦嶺南障巴嶺牧溪

環流如帶蓋稱巖邑云明興以文教新寓內三秦豪傑士咸蔚然
奮興西邑科名寥落冠蓋不數數見也邑博士弟子每謂堪與家
云學址低暗是宜於巽方有所建豎巍巍其勢以聯秀氣矣辛亥
萬曆三十九年秋學博李世芳毅然倡義俾黌序之東市豎魁樓焉會令
君徐來聘捧檄蒞任謁廟之夕夢有緋衣高冠者語曰西鄉文運
且開黌序東樓宜建也令君訝而神之遂捐俸繕遍告里之紳衿
捐資各有差庀材鳩工竣事焉及秋楊生學程果以毛詩冠本房
聲隆隆起徐君過洋謁余口其事詫為奇異也余曰君知楊孝廉
耶童時就業余家塾弱冠為諸生食公餼每當事較藝輒冠軍人
傑地靈遺言可考然不有斯之鼎建楊生將不能躬自奮興乎隨
楊孝廉造余請記勒諸石余曰是舉也令長學博晰厥務矣銳謀
新構力覩功成寧直垂諸士發跡之標的殆得鼓舞豪傑之機權

乎夫士之爭取也猶兵之決戰勝也兵有法有畫也法且畫則志
定不疑氣充不餒有不戰戰必勝西邑士夙狃俗習未步聞中先
心疑氣餒則激昂奮迅之機微故藉堪輿家言風士類而振人文
若樹之幟示之餒則定其志令不疑充其氣使不餒夫登高而望
目非加明順風而呼聲非加疾所及者遠所因者便也昔田單借
神師以勵士氣乃一鼓破燕昔霸借冰堅以定衆心一渡興漢噫
余益信是舉也得鼓舞豪傑之機權也西邑士從此志愈定氣愈
充科第文物日彬彬盛而名卿碩輔雲仍蟬聯則侯與學博功德
豈不共巍樓俱不朽哉張

重建魁星樓碑記

清穆宗同治九年

劉煦

今使科名仕宦必藉風水之培補將生遐陬僻壤者恐無由自奮
於功名而其說似誣顧嘗觀人文最盛之區其山川形勢樓閣規

模類皆巍然勃然鬱鬱葱葱王之饒有佳氣豈地靈人傑理固然歟西邑治城中央舊有魁樓一座占地不多而鋒稜秀起直插雲霄觀者輒嘆為罕見邑志載有明崇禎時學博李世芳邑令徐來聘創建以培文風洋縣李喬岱為記今學宮旁有碑並圖樣尚存是秋楊公學程果以毛詩冠本房旋舉明通其子樓鶚以次科聯捷成進士入詞林此建樓之明效也入國朝來不知何時傾圮豈逆賊譚洪據邑時焚燬耶不可考矣康熙三十三年邑令三韓李公鋐更為修理貢生段天彩作記謂經兵燹以四十餘年始克從事碑石二塊砌樓壁間張公晉卿修志疎畧未載自時厥後樓觀復舊科第亦未寂寥至乾隆中葉提南宮學鄉試者文武絡繹不絕嘉慶年間姚公士珍登庚午科五賢書捐置樓中器具若干有記識可考道光辛卯十一乙未五以來復興修河堤城中紳儒

間科必有中式者咸豐壬子年李文敏舉進士官部曹時已軍興迨同治紀元川匪陷城市井為墟而斯樓遂蕩然無存是年薛煊培由七品小京官舉京兆越乙丑細禮闈吳錫澤獲雋二君雖少年得志隨即夭折外官無大小俱遭事故論者謂叔後使然而斯樓之宜急修也五年鄭公南喬修衙署事竣僅將巽方城牆補砌旋即事去梁公步洲回任倡修城池爰將魁樓巽樓四門城樓次第興修八年己巳梁公以事去任甘涼張公攝篆謂風水之說非誣適以九月補行壬戌甲子鄉試張公速竣樓工而孫君有序舉於鄉李文敏簡放鳳陽守復調天津守擢陞大順廣觀察使加布政司銜此其明效大驗也今年庚午執正科並補行丁卯鄉試知必有應運而興者及期進場纔二十七人竟聯中二名吳朝剛姚定基皆在高川為邑從來未有之盛豈非樓與東渡文峰塔

並相輝映有以使然乎格已成宜有記張公囑賔為之照維文風
與古習相表裏者也吾邑人士大患有二一在妄自菲薄謂不足
與於科第仕進一在高自位置得少輒足不求上進歷觀諸老前
輩其積學不遇者固不乏人苟克自振振勤苦勵學率能如願以
償是地靈之徵也即如論語子游宰武城得人云云實古今相士
清穆然提不由知正路宜由也非公不至知公事宜至若乃不問
路之徑與正不辨事之公與私輒以不由不至為高深閉固推自
固寒蟬鄉黨又安顧此自了漢朝廷亦安貴此無用士耶鑑之無
枉已以徇人無見小而欲遠二語即座右箴銘古人云其用功深
者其收名也遠培補風氣久近定多徵應豈必規規目前歟老且
病目敢以陳言譯託垂訓奉與紳董之末竊願與同學諸君子共
勸勉相與以有成聊述所聞於先生長者附記於此不知其有當

否也樓較舊式加高氣象更宏殿共四層高口丈口尺有餘其安
頓布置皆候選巡檢王君熙所規畫君嘗至京師遊歷四方遇有
建作輒留心詳察放於城工及諸樓相度最佳蓋心巧目計有足
多者樓舊有鐘移懸頂樓下朔望叩鳴聲聞遠邇續修舊碑一石
仍砌樓壁計共用絡錢千百有奇同事諸君共竭力勛助並宜於
官師後附列姓名是為記觀賴

培修魁樓記

中華民國六年

賴運淑

從來形勝實肇文明甲科幸闢風水形家之術儒者不道然以學
風興替占之往往而驗此何說縣邑治魁樓之作由明季學博李
公廣夢神告學宮東宜建樓一座象文筆騰空科甲當即鼎盛既
痛興之樓成未久楊公學程以經魁中選此其制之最初也清同
治紀元邑遭盜逆之變樓燬於兵六年城工局開紳許王公熙為